



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. VI. An, & qualiter verum sit, quòd objectum suam malitiam non  
transfundat in actum, nisi ut præcognitum?

---

[urn:nbn:de:hbz:466:1-73031](#)

ac honestè operor, quoties facio, quod conscientia irreprehensibiliter dicit, *istud opus esse præceptum verâ lege Dei, & naturæ, si propterea facio, ut obediā dic̄tæ legi:* sed in præsenti casu mihi conscientia irreprehensibiliter dicit, esse præceptum verâ lege Dei, & naturæ, ut velim hic nunc mentiri; ergo si hic & nunc velim mentiti, ut obediā dic̄tæ legi, bene ac honestè operor: hunc, inquam, syllogismum immeriò vocari à Muniesla cit. stimulat. 3. Q. 10. n. 85. falsissimum, & eviderter invidēntem. Nam immeriò dicit, dictam majorem universalem esse falsam; hanc enim falsitatem ibi non probat; & utique probatam supponit ex rationibus, quas ex eodem adduximus à n. 736. præsertim cā ex D. Thoma: quod bonum sit ex integra causa; at ex omnibus illis rationibus non tantum non convincitur eviderter invidēns, sed nec ullā ratione falsitati obnoxia ea major, ut constabit legenti responsiones illis rationibus oppositas, præsentim n. 760. ad argumentum ex D. Thoma; ergo; sic in simili Terillus cit. q. 16. n. 40. Moya cit. Q. q. n. 45.

772. Collig. 14. omnino negandum esse suppositum, quo nititur Muniesla cit. tum alibi, tum n. 89. quod, s̄ Deus, ex suppositione conscientiae irreprehensibiliter dicitant, hic & nunc esse mentiendum, homini sic erranti præciperet, ut mentiri velit, eo ipso malus esset. Nam in dato calu velle mentiri, non modò non est malum, ut constat ex n. 758. sed revera præceptum, non abolutè, sed solum ex suppositione erroris, ut diximus n. 765. Unde igitur esset malum, præcipiendō, quod in talibus circumstantiis non est moraliter malum. Hinc ad eam propositionem, quam tertiis repetit: mentiri, & pejare, idque velle taliter, est intrinsecè, ac per se malum: respondetur: vel loquitur de voluntate mentiendi concepta *citra errorem*, vel ex errore irreprehensibili? hoc secundum dicere non potest, cūm ipse n. 90. statim subjungat, taliter esse per se malum, ut homo veri conscius id velle nequeat: ergo solum procedit de casu, ubi quis vellet mentiri conscius de malitia mendacij, ergo ubi non est conscius, sed irreprehensibiliter judicat, bonum esse mentiri, velle mentiri in tali suppositione erroris, non est intrinsecè, ac per se malum.

Unde not. hæc duo esse valde diversa, velle materialiter malum in suppositione, quā est materialiter malum; & velle materialiter malum in suppositione, quā non est materialiter malum malitiā morali. 2. velle materialiter malum in suppositione, quā est materialiter malum, importare omnino volitionem intrinsecè, ac per se malam malitiā morali fundamentaliter tali; non autem in suppositione, quā non est materialiter malum. 3. illud opus recte dici materialiter malum malitiā morali, fundamentaliter tali; quod in nulla circumstantia, nisi conscientiae irreprehensibiliter errantis, licet eligi potest. 4. esto ponas mendacium absolutè esse ex se, ac intrinsecè malum morali, fundamentaliter tali; non tamen esse tale in suppositione conscientiae irreprehensibiliter errantis, pro tali suppositione.

Ex his autem sequitur, esto *volitio mendacij extra suppositionem conscientiae* invincibiliter errantis, sit intrinsecè, ac per se mala materialiter, malitiā morali, fundamentaliter tali; non tamen esse tamē *intra suppositionem conscientiae irreprehensibiliter errantis*, cuius ratio est ex dicit. n. 762. nam ratione hujus circumstantiæ non dissonat rectæ rationi, quā tali: secus cā seclusā: certum autem est, ex fine honesto velle opus in suppositione circumstantiæ, quā non est materialiter malum, honestè concipi; ergo velle mentiri ad salvandam vitam proximi, in suppositione circumstantiæ, conscientiae nimis irreprehensibiliter errantis, potest tunc honestè concipi. Sed de hoc satis.

## §. VI.

An, C' qualiter verum sit, quod objectum suum malitiam non transfundat in actum, nisi ut præcognitum?

P. Muniesla cit. stimulat. 3. Q. 12. n. 775. • 102. ait: à multis ex axiomate illo, sic indiscutè dicto, subinferredi enigma absurdum. 1. quia sic idem foret æquè in casu vincibilis, ac invincibilis erroris. 2. quia sic affectus ex cognitione remissa de malitia objecti non possent esse intensè mali. 3. quia sic affectus amplectens malum ut sic (sine discriminâ levis, vel gravis) esset peccatum, nec leve, nec grave; quia non præcognoscere.

73. præcognoscitur objectum, nisi ut malum, præscindendō à gravitate, & levitate malitiae. 4. quia existimans suum affectum *esse peccatum*, sed non *offensam Dei*, reipsā peccaret, sed non offendiceret Deum. 5. affectus peccaminosi opinantium *omnia peccata esse strictas in iusticias contra Deum*, eoipso forent, non solum opinative, sed reipsā formaliter iustitiae; quibus positis: in n. 102. ad finem concludit, *non igitur ita crudè, pinguij Minervā usurpandum est proloquium illud; quod tamen generaliter, & ut certum, & evidens, jactant identidem Terillus, & Moya, & cum illis turba Modernorum.* Hinc in nūm. statim sequenti, ait, illud sic esse distinguendum: objectum in actum non refundit suam malitiam, sicut nec bonitatem, *nisi ut præcognitum*, sumptā particulā *ut comparative*, seu *commensurativē*, N. sumptā particulā *ut requisitivē*, C.

74. 776. Verūm citatus Author impugnat illos Doctores, & Modernos generaliter usurpantes illud proloquium, seu axioma in sensu, quo nullatenus ab eis accipitur; nam in sensu illorum verissimè procedit, quin vel unicam etiam absurdī umbrā admittere cogantur. Illius proloquij sensus est, quòd actus, *ab objecto*, nullam recipiat malitiam, vel bonitatem, nisi præcognitam; non autem, quòd suppositā semel malitiā, vel bonitate *ab objecto*, per sui cognitionem, quā mediante influit, acceptā, non possit *ex aliis quoque capitibus*, non influentibus *objectivē*, augesce-re in ea bonitate, vel malitia. Aliud enim est: actus nullam habet malitiam, vel bonitatem *ab objecto*, *nisi præcognitam*; & tantam solum, quanta est præcognita: aliud, actus *ab objecto* nullam habet malitiam, vel bonitatem, nisi ut præcognitam, seu nisi ea sit præcognita. Primum non dicit turba Modernorum; & conceditur falsum esse; secundum autem verissimum est, ut constabit ex responsis ad ea, quæ frustra ponuntur in contrarium.

777. Ad sequelas, quas vocat absurdā enormia, in n. 775. & ad primam, quæ sic habet: si objectum non refundit in actum malitiam, vel bonitatem, *nisi ut præcognitum*, eadem ratio erit in actu elicito ex ignorantia *vincibili*, & *invincibili*; in utroque enim casu objectum est præcognitum, ut bonum, saltem negative, nimi-

rum cum præcisione ab ejus malitia. Nam facilem habet distinctionem, concedendō actum in neutro casu habiturum malitiam *ab objecto*, in quod fertur; negandō, actum in casu ignorantiae culpabilis non habiturum malitiam *in causa voluntarie*, ac culpabiliter admissa, ut jam alias dictum est. Quare distinguo eam sequelam: *quoad malitiam ignoratam eadem erit ratio in actu elicito ex ignorantia vincibili, & invincibili, C. quoad malitiam, quam actus habet in causa culpabilis ignorantiae, N. sequelam.* Ad prob. 12. dist. antecedens: in utroque objectum est præcognitum cum præcisione malitiae *in objecto*, sed non sine culpa ignorantiae vincibilis, C. & præcisione malitiae *in objecto*, & sine culpa ignorantiae, N. ant. & conseq.

778. Ad 2. ibid. & cum distinctione: sic effectus mali, provenientes *ex cognitione remissa* malitiae *in objecto*, non possent esse intensivē mali *ex ipso objecto ultra id, quod est præcognitum*, C. non possent esse intensivē mali *ex alio capite*, N. sequelam. Actus eliciti ab humanitate Christi sunt infinitē boni, non ex objecto ut præcognito; cùm & ipsum finitē bonitatis sit, & cognitione eam finitē repræsentet; sed à dignitate subjecti operantis, quæ non requirit sui cognitionem, ut bonitatem actus in eum derivatam ab objecto intendat, cùm non influat per modum *objecti*, ut pluribus ostendi in tract. de Incarnat.

779. Hinc notandum, bonitatem, vel malitiam actus, in eum transfusam *ab objecto*, ut præcognito, posse intendi ex aliis etiam capitibus, quæ non habeant rationem *objecti*, v.g. ex majori libertate, ex majori concupiscentia, vel voluntatis promptitudine, ex majori indifferentia voluntatis &c. quibus positis, quid quæso enormous absurditatis continet dictum, quòd affectus proveniens ex remissa cognitione de malitia objecti, non possat intensivē malus esse ex objecto; licet ex aliis capitibus intendi possit, si semel malitia in eum transfusa est ex objecto. Et ratio est; quia in causis physicis certum videtur, quòd in effectu non possit aliqua perfectio esse intensior ex via cause, in eum influentis, nisi secundum quod influit in eum; cur id non idem rectè dicetur de causis intentionalibus, seu non influentibus, nisi media sui cognitione, secundum modum, quo

in ea sunt; certè amor infiniti boni, finitè propositi voluntati ab intellectu, non nisi finitè bonus est ab objecto, licet ex aliis capitibus intendi possit illa bonitas amoris.

780. Ad tertiam sequelam in eodem n. cit. de affectu amplectente objectum, *propositum ut malum præcisè*, quin repræsentetur gravitas, vel levitas mali, responsones variæ sunt, ut videri potest apud Castropalaum P. 1. tr. 1. D. 1. p. 3. à n. 3. aliis voluntibus, tunc peccari solum venialiter; aliis, mortaliter. Judico tamen in hac quæstione distinguendum, an in eo casu advertens objectum, quod agit, esse malum præcisè, nullatenus attendens, seu cognoscens speciem mali gravis, aut levis, aliqua ratione saltem tunc adverat, quod hic, & nunc opus illud exercendò, committat se periculo faciendi actum graviter malum, an non; In primo casu censeo, committi tunc peccatum grave; quia tunc repræsentatur ei gravitas periculi. Nam periculum labendi graviter, est malum grave; & ita tenet Castropalus cit. n. 6. In secundo, probabilius judico, committi peccatum solum veniale; ita Navarrus, Lopez, Valentia, Salas, & alij apud Castropalaum n. 5. id, quod in M. S. de Legibus expressè docuit P. Henricus Herdinck, q. 3. de causis excusantibus ab impletione legis, de quo jam alias in præcedentibus. Ratio autem hujus est. 1. quia sic non est, unde talis actus desumat, vel accipiat rationem gravis mali; non à malitia objecti, quod liberè amplectitur, cum nullatenus ei repræsentetur objectum graviter malum, ut ponit casus; non à periculo; quia similiter nihil illi de gravi periculo proponitur. 2. si tunc peccaret graviter, deberet adesse cognitio sufficiens ad plenè consultandum, vel considerandum, atque deliberandum, consultatione, & deliberatione requisitâ ad peccandum graviter; atqui in dato casu non adest talis cognitio; probatur: in dato casu adest sola cognitio de malitia objecti præcindendò, an sit leve, vel grave; sed talis cognitio non est sufficiens ad dictam consultationem, ac deliberationem requisitam pro committendo peccato gravi; nam non omnis actualis cognitio de malitia objecti, tollit invincibilem ignorantiam, excusantem à gravi transgressione præceptorum; probatur: quia, cum lethali peccato dislo-

lutio amicitiae divinæ, ac æterna pœna debeat, non est par credere, tanto suppliatio hominem absque perfecta, & plena consideratione fieri obnoxium tantæ pœnæ; ergo cognitio invincibilem ignorantiam, excusantem à transgressione mortali, tollens, debet esse talis, ex qua vel actu fiat, vel fieri possit, vel culpabiliter omissatur, dum fieri poterat, & debebat, plena, atque perfecta obligationis, aut malitia objecti consideratione; talis autem non est cognitio proponens objectum præcisè malum. Ex dictis colliges, fieri posse, quod quis, agnoscens opus esse malum, invincibiliter ignoret, quod sit grave malum, si scilicet nihil illi proponatur, nisi ratio mali in genere, quin adsit ulla cognitio proponens gravem obligationem inquirendi, vel à tali opere abstinenti. Tum enim cognitio de malitia operis in genere, non sufficit ad consultationem, ac deliberationem, præviè requisitam, ut opus exercitum sit graviter imputabile ad culpam.

Dices: qui considerat malitiam non plena deliberatione, habet in se principium plenius considerandi; ergo si non consideravit, & cum illa imperfecta cognitione est operatus, reus erit mortalis transgressionis præcepti; ergo notitia imperfecta malitia, vel obligationis potest tollere invincibilem ignorantiam à mortali transgressione excusantem. Rg. 1. N. ant. imperfecta enim illa notitia non est principium sufficiens plenè considerandi; quia plena notitia libera ex plena naturali debet oriri; dixi: naturali; quia deliberatio, aut consideratio non procedit in infinitu, versus principia, alias nunquam inciperimus operari. Necesse igitur est, ad unam cognitionem naturalem pervenire, quæ non procedat ex consultatione, aut consideratione; sed sit illius initium. Ut ergo quispiam circa operis malitiam, aut bonitatem possit deliberare, opus est, ut occurrat aliqua cogitatio naturalis, cogitatio scilicet non libera, in nostra potestate non existens, quæ ipsius considerationis sit initium. Hæc autem, si non sit plena, non potest plenæ deliberationis esse fundamentum.

Resp. 2. in casu objectionis potentiam plenius considerandi neglectam, quia habuit leve principium, non posse dici nisi levem

levem culpam; ita Vasquez in 1. 2. d. 107. c. 4. *in fine*; hinc &c. in forma: habet principium *leve*, C. *grave*, N. *aut.* & conseq. utramque. Ex quo inferes, quod ignorantia invincibilis antecedens, sive juris sit, sive facti, excusat omnino à culpa eum actum, cuius est causa; est S. Augustini l. 1. *retract.* c. 18. & l. 2. *de lib. arbit.* c. 18. Rationem sumit Sanctus ex natura voluntatis impotentis fugere, vel amplecti aliquid, quod prius actualiter non est cognitum; quia ut patet ex dictis, nec habitualis scientia, nec debitum sciendi potest influere in actum voluntatis, nisi præcognitum, in quantum præcognitum; ergo.

783 Ad quartam sequelam in eod n. cit. R. *malitiam*, & *offensam* esse denominatio-nes separabiles, & primam posse reperi-ri sine secunda, ut tradidi in materia de *In-tarnatione*, ubi actum est de infinitudine offensæ, quam importat peccatum grave contra Deum; non autem leve; cum, ut ibi ex D. Thoma ostensum est, *offensa* dic-tat contemptum, & oppositionem cum amicitia Dei; *malitia* autem oppositionem solùm cum lege; quo posito: dico, si quis invincibiliter ignoraret, opere malo, quod facit, graviter contemni, ac offendit Deum, & operantem reddi dignum rejici à Dei amicitia, opus illud malum fore *offen-sam* duntaxat *materiale*; sicut enim non ponit *formalem* *offensam* Regis, qui irreprehensibiliter ignorat personam, quam offendit, vel contemnit, *esse Regem*; sic nec ponit *formalem* *offensam*, qui irreprehensibiliter ignorat, opus, quod facit, *esse contemptum*, seu *offensam*.

784 Ad quintam sequel. in eodem n. cit. R. si quis putaret, peccatum, quod facit, ef-festriktam *injuriam contra Deum*, licet in re non esset (ut, si à Deo non prohibeatur, prout potest, *jure stricti domini*, sed tantum supremi Legislatoris) tale pecca-tum fore quidem *formalem* *injuriā* contra Deum *in affectu*, sed non *in effectu*; sicut Titius, qui copulatur uxori sua, putans ef-se meretricem, quam ad scelus constituit, committeret quidem *formale adulterium* *in affectu*, sed non *in effectu*, ratione per-sonæ, cui commiscetur.

785 Ad extremum hic nota, quod Muniesa, ut defendat, *voluntatem mentiendi*, etiam conceptam ex irreprehensibili con-

scientia dictante, quod, si non vellet hic & nunc mentiri, verè peccaret contra veram legem Dei, & naturæ, non posse eva-dere bonam, & honestam, licet hoc face-ret animo se subjiciendi divinae legi sibi repræsentatae, in n. 101. postquam sibi sic objicit (*objectum non specificat actum voluntatis*, nec suam in illum malitiam refundit, sicut nec bonitatem, nisi ut præcognitum, & prout per dictamen intelleximus repræsentatur, & objicitur voluntati, quæ de se cœca est: sed in dicto casu ir-reprehensibilis erroris non cognoscitur ab homine malitia mendacij; quin immo præsentatur, & objicitur voluntati bonitas, & honestas tunc mentiendi; ergo non ma-litia, sed bonitas sic repræsentata refun-ditur formaliter in actum voluntatis, vo-lentem tunc mentiri; ergo tunc est forma-liter honesta) quâ objectione propositâ in n. 103. respondere: dist. majorem: ob-jectum non refundit malitiam, vel bonita-tem in actum voluntatis, nisi ut præcogni-tum, sumptâ particulâ *ut comparativè*, seit *commensurativè*, nego, propter absurdâ ingentia, quæ sequi vidimus ex isto sensu, superius relata: sumptâ particulâ *ut requi-sitivè*, id est, quod, ut actus volunta-tis feratur in objectum, requiratur objecti præcoghitio, concedo. Deinde ad mi-norem similiter distinguit: in dicto casu erroris non cognoscitur ab homine malitia mendacij, cognitione affirmando de men-dacij re ipsa involventis intrinsecè maliti-am suam objectivam, N. min. & conseq.

786 Verum hæc responsio totum argumen-tum, (solidè probans, *voluntatem menti-ndi* in dato casu nullatenus esse malam, sed potius bonam formaliter) relinquit in suo vigore, ac insolutum. 1. quod termini distinctionis datae majori, planè diversi sint à terminis, quibus distinguitur minor, ut constat responsum recolenti. 2. quia sensus propositionis majoris, prout à Do-ctoribus, quos impugnat, usurpatur, est, quod, *ut objectum refundat in actum vo-luntatis malitiam*, vel *bonitatem*, nece-sse sit ipsum non utcunque cognosci, sed cognosci, quod sit bonum, vel malum morali-ter; hunc portò sensum non attingit di-stinctio adhibita majori. Nam illi non di-cunt, requiri, quod particula *ut sumatur commensurativè*, ut sensus sit, in actu non

non posse esse ullam, vel etiam majorem malitiam, aut bonitatem transfusam, quā sit ea, quæ proponitur à cognitione, ut constat ex dictis. Deinde non sufficere, si particula ut sumatur *requisitivè tantum*, prout explicat Muniessa, volens sufficere, cognosci objectum, *quod in se intrinsecè est malum*, videtur manifestum ex plurimis instantiis.

787. Sic copula *soluti cum muliere conjugata, vel moniali*, quam ille invincibiliter putat esse solutam ab omni vinculo conjugij, vel Religionis, *in se reverà continet malitiam adulterij, vel Sacrilegij materialis*; quia tamen, dum illi præsentatur mala moraliter, nempe solum fornicaria talis copula, quin ullo modo præsentetur *adulterina, vel sacrilega*, ea copula (etiam *requisitivè*, ut vult cit. Author) cognita, non propterea evadit formaliter adulterina, vel Sacrilega. Deinde aliud est, cognitō mendaciō *cognitione mendacij*, etiam cognitam esse *malitiam objectivam mendacio intrinsecam*; aliud mendacium esse cognitum *cognitione malitia*: sicut aliud est objectum aliquod ex motu progressivo esse *cognitum animal*, seu cognitione referente illud ad sensationem, & eadem cognitione etiam rationale esse materialiter cognitum, quā verum sit, *rationale esse cognitum cognitione animalis*, seu *rationale esse animal cognitum*; aliud, rationale *esse cognitum cognitione rationalis*, seu cognitione illud referente ad discursum. Unde sicut non est verum, quod *cognitione animalis*, quod est rationale, cognoscatur *rationale formaliter*; sed tantum *identicè, ac materialiter*; sic non est verum, quod cognitione mendacij, quod est malum, cognoscatur malum formaliter, sed tantum *identicè, ac materialiter*. Ex his tandem concludo, posse quem habere invincibilem ignorantiā, quæ operantem excusat à peccato *gravi*, quin excusat ab *omni* peccato, etiam *levi*; ratio constat ex dictis à n. 780.

### §. VII.

*An ignorantia prius inculpabilis, talis permaneat superveniente scrupulo, vel dubitatione de bonitate operis?*

788. Supponendum. 1. *ignorantiam*, quam quis patitur, posse nunc esse invincibilem, licet olim aliqua præcesserit in ho-

mine personalis culpa negligentiae addi-  
seundi ea etiam, quæ sunt juris natura; ratio sumitur ex dictis à n. 717. alia enim homo, qui contra conscientiam sic errantem semel peccavit (v. g. *omittendò mendacium tunc*, quando ex conscientia invincibili credebat, esse obligationem *mentiendi*) non posset amplius concipere propositum non peccandi de cætero, omissione mandacij in talibus circumstan-  
tiis, si ob præteritam negligentiam voluntas mentiendi in dictis circumstantiis esset formaliter peccaminosa.

Suppon. 2. conscientiam invincibiliter errantem, licet inductam ex negligentia de præterito, nunc posse esse inculpabilem, & excusantem à peccato ad novam culpam imputabili, dum ex ea sit opus aliquid materialiter malum, non tantum ubi culpa præterita jam retractata est per pœnitentiam; sed etiam, si nondum re-  
tractata sit; sic Muniessa cit. stimulat. 3. §. 15. n. 150. Ratio est ex dictis in *præcedentibus*.

Suppon. 3. *dubium*, seu *dubitacionem* formaliter, & propriè sumptam involvere *suspensionem judicij circa objectum directè propositum*, quin intellectus illud neget, vel affirmet. Hoc ex dupli capite fieri potest. 1. quando pro neutra parte quæstionis propositæ (v. g. *an stelle sint parisi, vel impares numeri?*) offerunt se rationes, quibus inclinetur intellectus in unam determinatè partem per assensum, vel dissen-  
sum. 2. quahdo quidem pro utraque parte contradictionis offerunt se rationes, sed ita, ut pro qualibet sint ferè parisi momenti, & stantes pro una parte, per contrarias alterius quodammodo, & vicissim, infirmentur, ut intellectum determinent pro parte determinata.

Suppon. 4. fieri posse, quod intellectus reflectens judicet, se esse dubium circa objectum directum. Ex hoc autem fit, quod intellectus supposita tali reflexione, per varia judicia consultans, quid in tali casu agendum, aut qualiter dubitans se gerat? dicatur habere *conscientiam dubiam*, in illis judiciis sitam; non autem, quod conscientia sit talis suspensio, seu carentia judicij. Nam conscientia est dictamen practicum, & quidem *judicativum*; dubitatio autem non est *judicium*, sed potius eius omisso.

Suppon.